



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«___» _____ 2024թ.

No _____

«Յեթե» Կրթական ՀԿ-ի նախագահ Անի Ասրյանին

ՀՎՀՀ 09218787

Հասցե՝ ք. Գորիս, Սալ-Քար 4 բնակարան 10

Ծանուցագիր

Հայտնում եմ Ձեզ, որ համաձայն «Հասարակական կազմակերպությունների մասին» ՀՀ օրենքի 24-րդ հոդվածի՝ Կազմակերպությունը պարտավոր է յուրաքանչյուր տարի՝ մինչև հաշվետու տարվան հաջորդող մայիսի 30-ը, կազմակերպության կողմից հրապարակվող էլեկտրոնային հաշվետվությունների համար նախատեսված համակարգի (այսուհետև՝ Համակարգ) անձնական էջում և իր պաշտոնական ինտերնետային կայքում (այդպիսին ունենալու դեպքում) հրապարակել գործունեության տարեկան հաշվետվությունը:

Ձեր **2022թ -ի** հաշվետվությունը հրապարակվել է թերություններով, մասնավորապես. Հաշվետվության 3-րդ կետում կանոնադրությամբ սահմանված գործունեության առարկայի և նպատակի վերաբերյալ տեղեկությունները բացակայում են, ինչի պատճառով Ձեր նկատմամբ կիրառվել է վարչական տույժ՝ նախագգուշացում ՀՀ ՊԵԿ ԻՎ պետի 10.11.2023թ թիվ 642965/14 որոշումով:

Նշված որոշումը ուժի մեջ մտնելուց հետո Ձեր կողմից օրենքով սահմանված կարգով չի կատարվել ՀՀ ՊԵԿ պահանջը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169/26 հոդվածի 2-րդ մասով:

Վարչական իրավախախտման վերաբերյալ գործի քննությանը մասնակցելու համար Դուք 29.03.2024թ-ին ժամը 16:30-ին անձը հաստատող փաստաթղթով հրավիրվում եք ՀՀ պետական եկամուտների կոմիտեի իրավաբանական վարչության վարչական իրավախախտումների վերաբերյալ գործերի բաժին՝ ք. Երևան, Սասունցի Դավթի 87ա հասցեով (2-րդ հարկ, 201 սենյակ, հեռ. 098576776): Միևնույն ժամանակ իրավախախտման վարույթի վերաբերյալ ծանուցումը ստանալուց հետո՝ իրավունք ունեք ներկայացնելու բացատրություններ, առարկություններ, գործի լուծման համար անհրաժեշտ այլ տեղեկություններ՝ secretariat@petekamutner.am էլեկտրոնային փոստի միջոցով:

Համաձայն «Վարչական իրավախախտումների վերաբերյալ» ՀՀ օրենսգրքի 246.1-րդ հոդվածի 6-րդ մասի՝ Գործի քննությանն իրավախախտման սուբյեկտը կարող է մասնակցել ինքնուրույն, իր ներկայացուցչի միջոցով կամ նրանց հետ: Սույն հոդվածի 7-րդ մասի համաձայն՝ Վարչական իրավախախտման գործը կարող է քննվել իրավախախտման սուբյեկտի բացակայությամբ՝ ծանուցագրում նշված օրը գործի քննությանը չներկայանալու դեպքում, եթե նրանից միջնորդություն չի ստացվել գործի քննությունը հետաձգելու մասին:

Միաժամանակ հայտնում ենք, որ համաձայն ՀՕ-20-Ն օրենքի՝ («Վարչական իրավախախտումների վերաբերյալ» ՀՀ օրենսգրքի 246.1-րդ հոդվածի դրույթները) սույն օրենքը ուժի մեջ է մտնում 2024 թվականի փետրվարի 1-ից, և մինչև էլեկտրոնային համակարգի ներդրումը, ինչպես նաև էլեկտրոնային համակարգի տեխնիկական շահագործման անհնարինության դեպքում սույն օրենքի 2-րդ հոդվածով նախատեսված վարույթներն իրականացվում են թղթային եղանակով:

**Վարչական իրավախախտումների վերաբերյալ
գործերի բաժնի գլխավոր մասնագետ**

Լուսինե Ավագյան